

# الطائيه

(تجربه خاصه في المكان المفتوح)

{ كان لابد من أن يكون هناك صوت ينادي بحل القضية ....  
وما مات حق وراءه مطالب ..... }

م. ف. أبو شادي

## إهداء

إلى أمي ... أبي  
..... شريكة عمري  
شادي ... أحمد  
قرة عيني  
الضوء القادم من أمسي  
و العمر الآتي

## الشخصيات

### شخصيات رئيسية

- |               |                 |
|---------------|-----------------|
|               | * المخرج        |
| (مدير الفرقة) | * خليل          |
| (عضو بالفرقة) | * نهى           |
| (عضو بالفرقة) | * انصاف         |
| (عضو بالفرقة) | * مروان         |
| (عضو بالفرقة) | * عمر           |
| (عضو بالفرقة) | * حلمى          |
| (عضو بالفرقة) | * الشاعر        |
| (عضو بالفرقة) | * فرفور         |
| (عضو بالفرقة) | * المنشد        |
| (عضو بالفرقة) | * شخصيات بالذکر |

## شخصيات المواجهه

(ممثل الاوقاف)	أ/ وقف
(ممثل الاصلاح)	أ/ اصلاح
(ممثل كردون المدينة)	أ/ كردون
	رئيس الجلسة
	رؤوف المنسى
	سعاد ابو الليل
	مجدى السعيد
	مراد الفهلوى
	شاكر حامد
	محروس ابو دومه
	فكرى ثابت
	سهام البدرى

## شخص داخل اللعبة

قسم الشرطه

الضابط

المخبر

العسكري

النيابة

وكيل النيابة

كاتب النيابة

العسكري

ابو سعادہ

عبد المولى

عبد اللطيف

سعدية

ام هاشم

حرس

[طابية احمد عرابى ... يتقدمها فضاء .. يحيطه الجمهور من  
ثلاث جهات ... وسط هذا الفضاء - تدور أحداث .. العرض  
المسرحى لفرقة التل الكبير المسرحية ]  
(يسار الطابية فرقة الفن الشعبى تعزف خلف المنشد الدينى ..  
يتقدمه أعضاء الفرقة فى حلقة الذكر بينما يتغنى المنشد بذكر  
النبي تارة .. وتارة بتاريخ الطابية و مجدها ..  
أعضاء حلقة الذكر يندمجون فى حالة الذكر فتأخذهم الجلالة ..  
يتساقطون على الارض واحداً تلو الآخر .. يختتم المنشد بذكر  
النبي ... ( يدخل المخرج مسرعاً ) .  
المخرج : (وهو يصفق) جميل .. جميل .. ياللا .. كله  
يجهز .. المشهد اللى بعده ..(الجميع على  
الارض منهم من هو فى ثبات .. ومن أخذته  
الجلالة .. ومن مازال فى حالة الذكر .. بينما  
يدخل مدير الفرقة وباقى أعضاء الفرقة ..  
فيسرع المخرج فى ايقاظ النائمين )

ياللا يا أخويا أصحى (لآخر) أيه يا عم الشيخ  
خدتك الجلالة (للآخرين) ياللا يا أخويا أنت وهو  
(ينادى خليل) يللا يا خليل جهاز المشهد اللي  
بعده .

خليل : (فى حالة إرباك ويحدث نفسه) طب وبعدين  
هنصرف ازاي؟ (يذهب تجاه الجمهور .. يحملق  
فيهم) لسه مجاش .. يادى الوقعه السودا (يذهب  
تجاه الممثلين) وبعدين هنصرف ازاي .. ينفع  
كده أهو عمر لسه مجاش (لنفسه) طب ودى  
عمله يعملها .. الله يخرب بيتك يا عمر ..  
ويخرب البيت اللي جنب بيتك ماننت هتخرب  
بيتى أنا .

المخرج : (لفرقة الموسيقى) جاهزين مزيكا .. (للممثلين)  
كله جاهز؟.

خليل : (يدخل عليه مسرعاً) كله جاهز (فى تردد) بس

.. بس في مشكله (يحاول تهدئته) هي مش

مشكله أوى بس .. بس

المخرج : (فى عصبية) مشاكل ايه يا عم خليل.. جاى فى

العرض تقولى مشاكل ؟ متتطق فيه ايه عمال

تبسبس لى .. فيه ايه .. متتطق .. خلصنى .

خليل : (فى ضيق) يا عم وانا مالى انا.. هو يعنى انا

عايز مشاكل ولا انا عايز مشاكل.. انا عارف

ايه ده.. عرض ممل وفرقة تقرف

المخرج : (يكتم غيظه) مشاكل ايه يا خليل خلصنى..

المزيكا هتنزل.

خليل : وانا اعمل ايه .. اذا كان سى عمر لسه مجاش

لغاية دلوقتى .

المخرج : (كمن تلقى صاعقة) نعم.. نعم يا اخويا.. عمر

لسه ايه.. والله العظيم انتوا بتهرجوا .. و الله انا

قلت كده.. اجلى على ايد الفرقة دى.. و الله انتوا

هتودونى فى داهيه.



فرفور: (يهرول نحوهم) مش عمر كان مقبوض عليه  
امبارح.

المخرج: الله الله (يقترب من المجموعة) كان ايه.. دى  
حلوت قوى.. وانتم طبعاً عارفين.. و انا كالزوج  
آخر من يعلم.. واعلم ليه !

مروان: (للمخرج) احنا مارضناش نقولك قبل العرض  
عشان..

نهي: (تقاطععه) يعنى على اعتبار انه هيتعرض على  
النيابه النهارده الصبح وهيخرج.

المخرج: وكم ان نيابه ! مش بقولكو احلوت قوى.. (لنهي)  
وهيخرج!

حلمي: المساله كلها شويه اجراءات.. مجرد تحقيق لا  
يسفر عن شئ.. مجرد اجراءات.

فرفور: ايه.. ايه بتقول مين اللى مات ؟

انصاف : یا جماعه زمانه جای .. و بعدین دلوقتی المفروض  
نقلق على زميلنا اكثر من قلقنا على  
العرض .. لان تاخير ده اكيد خارج عن ارادته.

المخرج : قسم .. ونيايه .. وتقولى جای العرض .. دى ايه  
الحلاوه دى.

الشاعر : فعلاً انا واحد من الناس بدات اقلق على عمر ..  
المفروض كلنا كنا جنبه فى ظروفه دى .

مـروان : احنا لازم نتصرف على انه مش موجود على  
الاقل فى الوقت الحالى نظراً لظروف العرض.

نـهى : طب ودوره .. (تتظر الى المخرج) آه ممكن  
المخرج يعمل.

حـمى : ياعم مانصبر شويه .. وزمانه جای .. نزل  
فاصل مزیکا وللا اى حاجه.

المخرج : جای .. جای .. جای امته .. والمفروض أدخل  
بالمشهد بتاعه دلوقتی.

فرفور: (للمخرج) ياعم جاى .. وحتى لو مخرجش برده  
جاى .. (للشاعر) داهيه سودا ليكونوا عملوها..  
بينى وبينك..مسكة شلاطه المخبر له امبارح  
ماتظمنش.. (يمسك بقفاه) حاكم انى عارفه  
وعارف مسكته.

خليـل : (فى ضيق) هو احنا كده لازم فى كل عرض  
تتطلع لنا مشكله.

نــــهى: متبقاش فرقة التل الكبير.. لو مافيهاش مشاكل ..  
هى المشاكل هتسيينا وتروح فين؟

انصاف : (للمخرج وهى فى حالة توتر) يا جماعه مفيش  
داعى لتوتر الاعصاب ده.. واى مشكله ولها  
حل.

المخرج : لازم نشوف حل ونكمل العرض اللى..

الشاعر: (يقاطع المخرج) يا جماعه المشكله اللى عمر  
فيها مهياش مشكلته لوحده.. لان دى مشكله

قصادنا كلنا.. افراد وبلد.

مـروان: بس.. خلاص الشاعر خلى المشكله عامه .. من مشكله لفرد بقت مشكله بلد بحاله.

انصاف : (لمروان) على الاقل مشكله مجموعه(تشير لاعضاء الفرقة) وخرجت من اطار مشكله الفرد.

فـرفـور: (للشاعر) أيوه يا اخويا اتكلم انت فى السياسه واحنا اللى نروح فيها.. (بتعجب) مالها البلد ؟

المـخـرج : لا دى شكلها كده نقعد نتسامر أحسن وبلاش العرض..(لخليل) شوف لى حد يربط دوره وأى حد يلقن.

خـلـيل : (للمخرج) يا عم انا قلتلك من الاول .. نجهز دوبلير عشان الظروف دى.

فـرفـور: كربرتيرايه يابنى هو عربية ؟ قال كربرتير.

نـهـى: طب مفيش حد حافظ دور عمر ؟ .. يعنى لوحد حافظ افضل من التلقين.

الشاعر: للاسف كان زمان فيه بينكم حب.. كان كل واحد  
بيحفظ المسرحية من الجلد للجلده .. دلوقتي كل  
واحد بيقول دوري وبس.

فرفور: عشان كده كلهم بقوا جلده .  
حلمي : دا كل واحد يدوب حافظ دوره بالعافيه.. وكل  
واحد بيشغل زميله على المسرح بالعافيه.. يبقى  
يحفظ دور غيره ازاي .. زمان يا حب ..

انصاف : (قد لمحت عمر) خلاص يا جماعه عمر وصل.  
الجميع: (يلتفون حوله وهم يغنون) عمر أهلا عمر بيه ..  
طولت الغيبه ليه .. حمدالله عالسلامه يا جاي من  
السفر .. احكيلنا ع النياه .. و اللي شوفته من  
الغفر

عمر: معلىش يا جماعه .. انا آسف التاخير ده غصب  
عنى (للمخرج) دا انا هصلى ..

المخرج : (يقاطعه) انت لسه هتحكى اللى حصلك .. مش  
بقول انا مش باين لها عرض النهارده .

عمر : (فى ضيق) اللى حصلى من امبارح للنهارده  
مش شويه .. وبعدين يا عم ماتزعلش .. انا  
مروح تانى .. وانا فعلاً محتاج ارتاح .. وانا  
غلطان عشان برغم اللى انا فيه جيت .

المخرج : (لعمر) يا عم متزعلش ولك على بعد العرض  
ماحدث يمشى ونقعد نسمع منك كل حاجه  
بالتفصيل (للجميع) ياللا يا جماعه المشهد الجاى  
.. اجهز يا خليل

الشاعر : (بعصبيه) استتوا يا جماعه .. لعلمكم بقه اللى  
حصل لعمر ممكن يحصل لاي واحد فينا .. و  
التهاون فى حق عمر .. يعتبر تهاون فى حق بلد  
بحالها انا مش قادر افهم انتوا بتقدروا تهضموا  
المشاكل بالشكل ده ازاي .. أو كده معادش

حاجه تاثر فيكم .

مـروان: يعنى ايه يا شاعر نوقف العرض .. عشان نسمع  
مشكلة سى عمر؟ مين فينا بقه اللي ميقدرش  
المسئولية انت مش مقدر يعنى ايه عرض يقف  
..هى دى حاجه سهله ؟

انصاف : انا من رأى الشاعر يا جماعه.

حلمى : وانا بضم صوتى لصوتكم .

نـهى: وانا كمان .. ويا سلام لو نعرض المشكله قدام  
رأى عام .

الشاعر: يا سيد مروان لما العرض يقف .. أحسن ما  
احساسنا بالحياه هو اللي يقف .

فرفور: أيوه الصحافه تصور.. والاذاعه تكتب ..  
والتلفزيون يذيع و الناس تشاور فرفور اهوه .

المخرج : ونستهبل .. ونهرج .. يا جماعه خلصونى ..  
حانزل بالمزيكا .. انا ما صدقت عمر وصل .

مـروان: فعلاً دا تهريج .

انصاف : دا مش استهبال ولا تهريج .

المخرج : لا طبعا.. استهبال وتهريج .. بعنى ايه ناس

جايبين يشوفوا عرض عن الطابية وأحمد عرابى

.. وفجأه يلاقونا بنكلمهم عن مشاكلنا .. ومشكله

عادييه بتحصل كل يوم فى البلد دى ايه الجديد

فيها .

الشاعر: (كمن يخطب فيهم) يا جماعه اسمعونى .. إحنا

طول عمرنا بنمئل وبنقدم نصوص ملناش علاقه

بيها .. مره واحده نقدم مشكله حقيقية من واقعنا .

احنا .. صدقونى دى فرصتنا .

المخرج : (للشاعر) دى كده قلبت عسل نحل .. لو عايزين

تقدموا المشكله انا بسحب نفسى م العمل.

مـروان: وانا كمان منسحب م اللعبه دى .

حلمى : و الله فكره .. ليه لأ..



الشاعر: (للمخرج) لما انت اللي تتسحب من تقديم قضيه  
يبقى مين اللي يفضل.

انصاف: (للمخرج) العرض مقدور عليه .. وخصوصاً  
انت عارف ان دى مشكله مش عاديه .

نــــهى: وعلى فكره الجديد فيها فعلا هو اللي احنا  
هنعمله.

المخرج: اللي انتو متصورينه دا صعب .. معناه اننا نبوز  
عرض ونقف نرتجل كلام فى المشكله .

نــــهى: انا عندى فكره .. عمر يحكى لنا .. والشاعر  
يكتب الكلام و انت تخرجه .

حلىمى: ومعتقدش ان فى حد فينا بعيد عن المشكله .

المخرج: وكم ان جبتوا المؤلف (ياخذ جانباً.. ثم ينضم  
اليهم) أنا موافق بس على شرط .. لو حصل أى  
برجله حأوقف الشغل .. ونكمل عرضنا .

الجميع: (فى فرح) يعيش مخرجنا العبقري .

المخرج : تعالى يا عمر .. كله ينضم عندى هنا (ينضمون جميعاً وقد التفوا حول المخرج وعمر ) يلا يا عمر احكيلنا بقه اللي حصل (بيدا عمر يحكى لهم ماتم .. بينما يتركهم المخرج ويذهب نحو الجمهور)

سيداتي .. أنساتي.. سادتي .. بداية .. اسمحوا لى ان اقوم بدور الراوى ولو ان العرض اساساً مفهوش راوى .. لكن الشغل الجديد .. يحتاج راوى وهو طبعاً من منطق إن مفيش فواصل بينا كممثلين وبينكم كجمهور لاننا بلد واحد .. واصحاب هم واحد .. ولاول مره اسمحوا لنا نمسرح مشاكلنا من واقع حياتنا .. هى مشكله لواحد منا لكن ذى ما قال شاعرنا .. إن المشكله ما هياش مشكله عمر لوحده و انها بتمس كل واحد فينا .. وعلى فكره .. هى فعلاً فرصه اننا

نعرض موضوع اكثر خصوصية بينا .. يبقى  
خارج منا ولينا .. اسبيكم دلوقتي ونشوف ايه  
المشكلة .. (يلتفت للمجموعه) كله جاهز .

خليل : كله تمام ( يظهر أمامنا قسم شرطه بالداخل  
الضابط يجلس على مكتبه وامامه المخبر  
وبجواره عمر )

المخبر : (للضابط) تمام يا باشا .. الواد بتاع مشكلة البيت  
يا افندم.

عمر : (ينظر للمخبر) الواد .. والله وبقيت واد يا عمر  
.. خلاص خلتنى واد.. خير .

المخبر : (يعدله تجاه الضابط) اقف عدل قدام سعادة الباشا

الضابط : انت بقى عمر ؟

عمر : أى و الله العظيم يا بيه عمر .

الضابط : معاك بطاقه يا له ؟

عمر: (يخرج بطاقته من جيبه ) اهـ يا افندم تقول انا

عمر . هـ ايه المشكله يا بيه؟

الضابط : انت بتشتغل ايه ؟

عمر: مدرس يا بيه ( بضيق ) مربى احيال .. ممكن

اعرف انا جاى هنا ليه؟

الضابط : لا ياخى ... يعنى مانتاش عارف جاى هنا ليه ؟

عمر: يعنى .. حبقى عارف و اسال ؟

المخبر: (يمسك بكشف عمر ) اتكلم مع البيه عدل .

الضابط : سيبه هو هيتعدل لوحده .. الأصناف دى انا

عارف ايه اللى يعدلها.

عمر: ماشى يا بيه احنا اصناف وحشه- جايبنى هنا ليه

؟

الضابط : انتو ما بتخلوش البيت ليه ؟ ومن غير لف

ودوران.

عمر: ونخليه ليه ؟ ونخليه لمين ؟ وعشان ايه ؟

الضابط : عشان صاحبه يستلمه .. ولا انتو ناوين تستولوا عليه

عمر: احنا اصحابه يا بيه .. وملوش اصحاب تانيين غيرنا.. صدقنى يا بيه احنا اصحابه ..

الضابط : انتوا بقى بتستهبلوا ولا بتستعبطوا.. ؟ صاحبه منين ؟ ما تفوق ياله وتتكلم عدل اذا كان الراجل معاه حكم محكمه . تبقوا انتو اصحابه منين ؟

عمر: واحنا طاعنين فى الحكم .. و متمسكين بحقنا لآخر لحظه فى عمرنا.

الضابط : يعنى ايه طاعنين وبأى حق ؟ وله .. مش عاوز استهبال .. انتو تخلوا البيت بهدوء احسن ما نخليه بطريقتنا احنا .

عمر: اكثر من خمسه وعشرين سنه و البيت ده بيتنا .. وعينا ع الدنيا و احنا فى البيت ده اشمعنى دلوقتى ظهر له اصحاب غيرنا .. وحتى لو

فرضنا وكان له اصحاب تانيين كانوا فين السنين  
دى كلها ؟

الضابط : كانت القضية مرفوعة قدام القضاء .

عمر : (فى عصبية) القضاء .. القضاء .. وهو فين عدل

القضاء .. يا سعادة البية البيت ده كل حته فيه فيها  
ريحتنا .. فيها نفسنا .. بين حيطانه .. طفوله  
ولعب .. وذكريات عمر بحاله يا سعادة البية احنا لو  
خلينا البيت .. نبقى بننخلع من جذورنا .

الضابط : (فى هدوء) يا بنى كده .. كده هتخلوا .. دلوقتى

الراجل ممكن يعوضكوا .. فدلوقتى الأخلا من  
صالحكم .. وبلاش الجمل البراقه وكلام الشغرا  
ده اللى م ياكلشى عيش .

عمر : (فى عصبية) يعوضنا عن ايه ولا ايه يا سعادة

البيه .. محدش حيلى .. ولو عاوزين تهدوا  
البيت هدوه علينا واحنا فيه .. لكن احنا مش  
هنخلى .. هدوه علينا واحنا فيه .

الضابط : (فى ضيق) مفيش فايده ..(للمخير) خده ع  
الحجز وبكره يتعرض على النيابة . غبى.  
المخرج : (كاسرا الايهام) ياللا انزل مزيكا.. غير المشهد

(متجهاً نحو الجمهور ) سيداتى .. سادتى ..  
يظهر إن شاعر الفرقة لما قال ان المشكله  
مهباش مشكله عمر لوحده .. كان عنده حق لان  
اللى احنا عرفناه من عمر.. انه كان معاه فى  
الحجز مجموعه من الناس اللى زيه لهم  
مشاكل.. و اللى تقرر عرضهم معاه تانى يوم  
على النيابة -كان معاه- ابو سعاد.. وعبد سلم  
عفوا قصدى.. عبد المولى .. وعبد اللطيف  
..وكله كوم .. وحكاية الست سعديه دى كوم

تانى .. وانا مش حطول عليكم .. لاننا ..  
حنروح نحضر معاهم التحقيق جوه سرايا النيابة.  
(يقفوا جميعا امام مكتب وكيل النيابة فى حراسه)  
(مشيراً لهم) كله يقف بنظام و اللى يسمع اسمه  
هو اللى يتحرك ويجى عندى هنا .. عشان يدخل  
للبيه وكيل النيابة .خلاف كده .. ولا صوت ولا  
حركه (ثم يدخل لوكيل النيابة .. ويخرج لهم)  
المتهم أبو سعاد.

العسكرى

(يدخل المتهم ابو سعاد)

وكيل النيابة : اسمك وسنك وعنوانك؟

ابو سعاد محمد ابو سعاد - ٣٠ سنه - التل الكبير

وكيل النيابة : انت مش بتسلم البيت للاوقاف ليه ؟

ابو سعاد يا سعادة البيه .. البيت ده بيت ابويا ووارثه عن

ابوه وحجة البيت معانا بتقول الكلام ده .

وكيل النيابة : حجة ايه ومين ادالك الحجة دى ؟



ابو سعاده من الاصلاح يا بيه .. ومن زمان  
وكيل النيابة : الارض دى ملك الاوقاف .. ماله بيهها الصلاح؟  
ابو سعاده يا سعادة البيه.. انا انبارح رحت للبيه مدير  
الاصلاح .. وقاللى ان الارض دى ملك  
الاصلاح وقاللى ان الى يجيلك من الاوقاف  
اضربه لمؤخذه بـ .  
وكيل النيابة : معاك عقد اخضر من الاصلاح.  
ابو سعاده عقد اخضر ايه يا بيه؟  
وكيل النيابة : عقد اخضر مش عارف العقد الاخضر .  
ابو سعاده لأ يا بيه انا عارف الراجل الاخضر.  
وكيل النيابة : انت هتهرج .. باقولك معاك عقد اخضر .  
ابو سعاده يعنى ايه يا بيه تقصد الدولار عشان كده بيبقى  
اخضر.  
وكيل النيابة : لا يا حدق اخضر عشان لون الزرع.  
ابو سعاده يعنى يا بيه حضرتك شوفت العقد الاخضر ده

مع حد قبل كده .

وكيل النيابة : موجود فى كل محافظات مصر يا بنى آدم .

ابو سعادہ بس لسه يا بيه ماتزرعش فى التل .

وكيل النيابة : خليك فى حدود السؤال وجاوب .. معالك عقد

اخضر ولا لا ؟

ابو سعادہ بصراحه يا بيه هو عقد .. بس مش عارف لونه

ايه .

وكيل النيابة : (يملى للكاتب) معرفتنا نحن عبد القوى مسرور

.. وكيل النيابة وبسؤال المذكور .. ليس بحوزته

العقد الاخضر ولهذا يؤخذ عليه تعهد بترك .

المنزل وتسليمه لهيئة الاوقاف وفى حالة ظهور

العقد الاخضر من الاصلاح الزراعى له ..

ترفض الدعوى المقدمة من الأوقاف (لابو سعادہ

( اتفضل امضى (ويقوم ابو سعادہ بالتوقيع

ويخرج) .

الحارس

المتهم عبد المولى

(يدخل عبد المولى ويحمل تحت ابطه سلم فيشير

له وكيل النيابة بالجلوس وهو يتأمل السلم)

وكيل النيابة : اسمك وسنك وعنوانك ؟

عبد المولى : عبد المولى عليوه جاد الله ٤٠ سنه .. من التل

الكبير

وكيل النيابة : وايه اللى انت شايله ده ؟

عبد المولى : ده يا سعادة البيه حل مؤقت لسلم البيت اللى وقع

وكيل النيابة : يعنى ايه حل مؤقت ؟

عبد المولى : اعمل ايه يا بيه ما سلم البيت وقع وجيت ابني

سلم الأوقاف عملت لى قضيه ويبقى الحال على

ما هو عليه .

وكيل النيابة : طب ليه ما قدمتش طلب لبناء سلم ؟

عبد المولى : يعنى يا بيه يفضل اللى فوق فوق و اللى تحت

تحت .. على ما اكتب طلب وياخذ لفته وفى  
الآخر تيجى عليه موافقه ولا ماتجيش.. ونفضل  
متشعلقين.

وكيل النيابة : مش فيه حاجه اسمها قانون بينظم العلاقه بين  
المالك و المستاجر؟

عبد المولى طبعاً فيه يا بيه لكن انى ايه الى ضمنى ان  
الاقواف هى المالكه للبيت و اشمعنى مظهرتشى  
الا دلوقتى لما السلم وقع..والبيت بسلم ماكنشى  
بيتها ولما وقع السلم بقى بيتها .

وكيل النيابة : يعنى انت بتعترف انك عملت السلم بدون موافقة .  
المالك؟

عبد المولى لأ يا سعادة البيه السلم لسه مهدود.. و انى مش  
متأكد من المالك أنه المالك .

وكيل النيابة : انت مش لسه قايل انك عملت السلم ؟ و الثابت  
قدامى ان الاوقاف هى المالكه للبيت .

عبد المولى يا سعادة البية .. أنا بتكلم ع السلم ده (مشيراً  
للسلم الذى بيده).

وكيل النيابة : (يملى للكاتب) قد أقر المتهم أمامنا نحن عبد  
القوى مسرور وكيل النيابة بأنه قام بعمل سلم  
بدلاً من سلم المنزل الذى تهدم وذلك دون موافقة  
كتايبه من المالك ونظراً للدعوى المقدمة من هيئة  
الأوقاف ضد المذكور وبناء على ما ذكر فقد  
أخل المذكور بشروط التعاقد وعليه يتم أخذ تعهد  
على المذكور بإخلاء المنزل محل الدعوى  
وتسليمه للجهة المالكة وهى الأوقاف. ( )  
مشيراً لعبد المولى) تعالى امضى .

(وينهض عبد المولى ليوقع وينصرف وقبل ان  
يصل الى الباب .. يستوقفه ) استنى عندك  
(للكاتب) فيه عندك حته فاضيه (يشير الكاتب  
بنعم) اكتب ويتم تسليم السلم حيث انه خاص

بالمنزىل .. فاصبح من ممتلكات هيئة الاوقاف .  
(يخرج عبد المولى ومعه السلم فيأخذه منه  
الحارس بالباب )

الحارس : المتهم عبد اللطيف

(يدخل عبد اللطيف امام وكيل النيابة)

وكيل النيابة : اسمك وسنك وعنوانك ؟

عبد اللطيف : عبد اللطيف مهدى عبد الهادى ٥٥ سنه من التل  
الكبير

وكيل النيابة : ايوه بقه يا سى عبد اللطيف .. أنت رافع دعوى  
ضد الاصلاح الزراعى ليه ؟

عبد اللطيف : يا سعادة الباشا .. أنى ضمن الحصر اللى عمله  
الأصلاح الزراعى فى التل الكبير .. واسمى  
مدروج ضمن الملاك وفجأه يا باشا وبقدرة قادر  
بقيت مستاجر

وكيل النيابة : يا سلام .. بقدرة قادر .. ازاي يعنى ؟

عبد اللطيف : ما هو ده يا باشا اللي أنى مش قادر افهمه ..  
ولما ملقنتشى حد يفهمنى رفعت الدعوى .

وكيل النيابة : انت بنيت على الارض دى مبانى ؟  
عبد اللطيف : مبانى .. دا هو حطة بيت يا سعادة الباشا .

وكيل النيابة : و الارض دى للزراعة و لا للسكن ؟  
عبد اللطيف : ما هى الارض بتتزرع يا باشا .. هو أنى اقدر  
مازرعهاش .. ومفيش غير حطة البيت اللي  
قاعدين فيه .

وكيل النيابة : ما هو لما انت تبني حطة بيت و التانى يبني حطة  
بيت و التالت وغيرك .. وغيرك .. يبقى  
العرض على الله فى الارض الزراعية .

عبد اللطيف : يا سعادة الباشا .. الايام بتمر .. و العيال بتكبر  
ومحتاجين مأوى .

وكيل النيابة : مأوى مايقاش فى الارض الزراعية .  
عبد اللطيف : يا باشا دى أرضى ودول عيالى .. وأنى ما

عملتس حاجة حرام.

وكيل النيابة : بس خالفت القانون .

عبد اللطيف : قانون ايه يا باشا اللي آنى خالفته .. الاقساط

وبدفعها .. وعمرى فى العمر ما عملت حاجة

ضد القانون.

وكيل النيابة : انت بنيت بيت على الارض ولا لا ؟

عبد اللطيف : ايوه يا باشا بنيت .. لكن مش جنيت .. وهو اللي

بيأوى عياله يبقى بيخالف القانون .

وكيل النيابة : (يملى للكاتب) قد اقر المذكور بناؤه للمنزل

بالأرض الزراعية وبناء عليه فقد تقرر رفض.

الدعوى المقدمة من المذكور ضد الاصلاح

الزراعى وتحسب قيمة الاقساط التى تم دفعها

قيمة اجارية وتتزع عنه صفة الملكية (مشيراً

لعبد اللطيف) اتفضل امضى .

(عبد اللطيف يوقع .. ويخرج )



الحارس: المتهم عمر ( تدخل عليه سيده وفتاه فيعترضهن

( حاسبى يا ست انتى راичه فين ؟

السيدة : عايزه اقابل سعادة البيه .

الحارس: اقفى عندك هنا .. هى وكاله .. والا هى سايبه

(لعمر) استنى انت هنا شويه (للسيده) اقفى هنا

او على تتحركى لغاية ما اطلع .. مفهوم (يدخل

لوكيل النيابة) تمام يا افندم فيه واحده ست

ومعاها بنت عايزه تدخل لسعادتك .

وكيل النيابة : عايزه ايه دى...؟ هاتها

الحارس: (لعمر) استنى انت شويه (للسيده وابنتها) تعالوا

ادخلوا

السيدة : (تدخل مسرعه) يا سعادة البيه الحقنا .. يا بيه

احنا ولايه .. وملناش حد غيرك من بعد ربنا .

وكيل النيابة : (يحملق فى الفتاه) ايوه يا ستى .. ايه المشكله..

فيه ايه ؟

الفتاه: عايزين نعمل بلاغ يا بيه.  
وكيل النيابة: انتوا مين الاول .. و ايه هو البلاغ ؟ .. وضد  
مين البلاغ ده ؟  
السيد: انا يا سعادة البيه .. سعديه ابراهيم على .. ودى  
بنتى ام هاشم .. وفيه ولد وبنتين اصغر منها ..  
وجوزى مات من خمس سنين .  
وكيل النيابة: و ايه بقى البلاغ اللى عاوزين تقدموه ؟  
سعديه: بقى لنا اسبوع يا بيه واحنا قاعدين فى الشارع .  
وكيل النيابة: قاعدين فى الشارع ! ازاي يعنى ؟  
أم هاشم: عارضة الحيطه وقعت .. والبيت يا بيه بقه منه .  
للشارع .. وبقالنا اسبوع محناش عارفين نبنيها  
.. واحنا ولايه يا بيه.  
وكيل النيابة: و ايه بقى اللى موقف بنيانها .. الفلوس .. ولا  
مفيش بنا ؟  
سعديه: يا سعادة البيه خير ربنا كثير .. و البنا موجود

.. انما الاوقاف هى اللى مانعه المبانى .. ومش  
كفايه ان البيت انفتح ع الشارع .. لأ.. عشان  
حنبنى العرضه اللى وقعت .. عايزين يطردونا  
.. عشان نبقى فى الشارع فعلاً .. بالله عليك  
ساعدنا يا بيه احنا ولايا وغلابه .. وملناش غير  
ربنا وسعادتك .

وكيل النيابة : أيوه يا ست .. بس .. ده قانون .. وانا مقدرش  
اخدم الا فى ظل القانون.

أم هاشم : طب نعمل ايه يا بيه .. سعادتك قلنا نعمل ايه ؟  
وكيل النيابة : انتوا اولاً . تعملوا تصالح مع هيئة الاوقاف ..  
وبعدين تقدموا طلب رسمى ببناء عارضة  
الحيطة للجهة المالكة اللى هى الاوقاف طبعاً ..  
وتصبروا شويه .. هى الدنيا اتبنت فى يوم  
وليله..

سعيه : (تخرج) ياللا يا بنتى .. فوضنا الامر لله..

فوضنا الامر لله

الحارس: المتهم عمر

(يدخل عمر ويشير له وكيل النيابة بالجلوس)

وكيل النيابة : اسمك وسنك وعنوانك ؟

عمر: عمر سالم الشنواني - ٤٢ سنه - من التل الكبير

وكيل النيابة : انت ليه ما اخلتش البيت محل النزاع ؟

عمر: هو احنا يا بيه لغاية انبارح مكناش هنخلي ..

لكن بعد اللي شوفتهم فى الحجز دول .. جنب

منهم مشكلتى تهون .

وكيل النيابة : يعنى خلاص حتخلي ؟

عمر: شوف سعادتك فى مثل بيقول اللي يشوف بلاوى

الناس بتهون بلوته .. وانا دلوقت قدام

المشاكل و الظروف اللي شوفتهم دول .. و

الى انا حاسس بضالة حجمى قدامهم .. المفروض

على انسى مشكلتى وادافع عن مشاكلهم .

وكيل النيابة : ده كلام عظيم .. ده كلام جميل .. ربنا يكملك  
بعقلك (يملى للكاتب) اكتب .. قد اقر امامنا نحن  
عبد القوى مسرور وكيل النيابة .. بأنه سوف  
يخلى المنزل محل النزاع ويتم تسليمه الى  
صاحبه .. ويخلى سبيله ان لم يكن على ذمة  
قضيه اخرى (يشير لعمر) اتفضل امضى.  
(عمر يوقع .. ويخرج فيجدهم جميعاً مازالوا  
بالخارج فيقف بينهم ) .

عمر: اخوانى .. انا عارف انكم زى تمام .. ضحيه  
من ضحايا ظروف ملناش يد فيها .. ظروف  
اتفرضت علينا .. لكن للأسف تمسكنا بحقوقنا  
فيها .. من مبدأ الانتماء والحب لبلدنا .. ولطين  
بلدنا .. وللأسف ده مخالف للقانون .. اذن

باسمكم جميعاً.. لا انتماء.. لا حب.. يعيش القانون

الجميع: (يرددون خلفه) يعيش القانون.. يعيش القانون  
(يخرجون من النيايه فى حراسه وتبدأ الموسيقى فى  
العزف)

المخرج: (للجمهور) سيداتى .. سادتى .. الحكايه فى  
البدايه .. كانت مشكله جوه القسم .. وخذتنا  
لمجموعه من المشاكل جوه سرايا النيايه..  
واصحاب المشاكل دول .. قعدوا حصروا  
مشاكلهم مع مين ومين .. فكانت أكبر نسبه مع  
هيئة الاوقاف .. ثم يليها الاصلاح الزراعى ..  
ومشكلتهم مع كردون المدينه .. فكان أفضل حل  
توصلوا له انهم يعملوا مواجهه مع مسئولى  
الاجهزه دى .. و الناس اصحاب المشاكل ..  
وكلوا عنهم ممثلين لهم فى مواجهه الساخنه  
الى حنشوفها حالاً معاكم .

### (يجسد المشهد فى شكل برلمانى)

رئيس الجلسة: بسم الله الرحمن الرحيم .. وعلى بركة الله نفتتح  
جلسة المواجهه بين ممثلى الاجهزه الحكوميه  
بالتل الكبير ... وبين الساده ممثلى الاهالى  
لطرح بعض المشكلات التى تواجه الاهالى..  
الاستاذ: وقف ممثلا عن هيئة الاوقاف .. تفضل  
وقف: اهلى وعشيرتى .. اهالى التل الكبير .. السلام  
عليكم ورحمة الله وبركاته .. كنت اود ان ابدأ  
حديثى معكم عن دور الهيئة تجاه شعب التل  
الكبير .. ولكننى رأيت أن أحدثكم عن شئ  
تعرفوه جيداً .. فان الهيئة تكن لكم كل الحب و  
الموده .. والا ما تواجدت بينكم اليوم .. و  
اسمحوا لى ان انقل تحيات الهيئة لشعبكم العريق  
.. الصبور .. الحمول .. صاحب القلب الكبير

.. شعب التل الكبير .

الرئيس: السيد رؤوف المنسى .. عن الاهالى .. تفضل  
رؤوف : السيد الرئيس..السيد ممثل الاوقاف المحترم..  
فإنه بالنسبة لقيام الهيئة بالادعاء بملكية الاراضى  
السكنية..المقام عليها منازل بدائرة التل الكبير..  
فانه نظرا لان المواطنين مقيمون بمنازلهم التى  
توارثوها عن آبائهم واجدادهم منذ فترة طويلة .  
وتقوم الهيئة بالاعتراض عند هدم منازلهم  
واعادة بنائها من جديد بحجة ان الارض ملك  
للهيئة .. فإننا نطالب باستبدال هذه الارض  
لصالح المواطنين أو لصالح الوحدة المحلية  
بالمركز بسعر الفدان ١٥٠٠ جنيه طبقاً لتقدير  
اللجنة العليا لتأمين الاراضى بالهيئة العامة  
للاصلاح الزراعى .. وذلك أسوة بحوض  
القديمة و الجديدة رقم ٢ قسم ثانى قطعه رقم  
١ بناحية الظاهرية.



وقـف: السيد الرئيس .. أولا .. الهيئة لا تدعى الملكية  
لهذه الاراضى لأنها تملكها فعلاً .

ثم أن السيد المنسى يطالبنا باستبدالها لصالح  
المواطنين أو الوحدة المحلية .. ألم يسأل نفسه ..  
كيف استبدل شئ لا أملكه .. ثم أن اين حجتك  
أن الهيئة تدعى .. وكيف يعطينى القانون الحق  
فى منع أى مواطن يهدم و يبنى فى ملكه الا اذا  
كان العقار ملكا للهيئة فعلاً.. وشكراً .

الرئيس: السيدة سعاد ابو الليل .. فى نفس الموضوع ..  
تفضلى

سعاد: نظرا لان معظم أراضى التل الكبير تابعه لهيئتك  
ويتعذر اقامة مقار وملاعب لمركز الشباب الذى  
تواليه الدولة رعايتها و اهتمامها.. فاننا نطالب

.. موافقتكم بالسماح و التنازل .. عن مساحات  
الاراضى التى تستخدم لهذه الاغراض .. بلا مقابل  
.. او بقيمه رمزيه وشكراً .

الرئيس: السيد / مجدى السعيد .. فى نفس الموضوع ..تفضل

مجدى : السيد ممثل الهيئة .. تمتلك هيئتك حديقته حوالى ٥٠  
فدان تقع متلاصقه ومتداخله وداخل كركون المدينة  
.. ويحيط هذه الحديقة .. سور نباتى شائك بطول  
١٥ متر .. وكثيرا ما نشبت به حرائق هددت جميع  
مساكن المدينة .. وخاصة المساكن المجاورة ..  
ونضطر لاحضار سيارات اطفاء القوات المسلحة ..  
بخلاف سيارات الاسماعيلية .. والمحافظات  
المجاورة.. ولهذا .. فننا نطالب بازالة الاسوار  
الشوكية .. واقامة سور مبانى بارتفاع ثلاثة امتار  
أو اقامة محلات تجارية وعمارات سكنية تحتها  
محلات تجارية كناحية استثماريه لهيئتك .. علاوة  
على حل مشكلة الاسكان بالمدينة.

الرئيس: الاستاذ وقف هناك تعليق .. تفضل

وقف: الهيئة دائما وابدأ ليست ضد حل أزمة الاسكان بل ان الهيئة سبق وان خصصت عشرة أفدنه دون مقابل لاقامة مساكن فوق المتوسط لشعب الاسماعيلية مساهمة من الهيئة فى حل أزمة الاسكان بالمحافظة وشكراً سيادة الرئيس.

الرئيس: السيد / مراد الفهلوى .. فى نفس الموضوع .. تفضل

مراد: اننى اطالب باسقاط الايجار المتاخر و الفوائد المربوطه على اصحاب الاراضى المربوطه بالايجار او الاراضى وضع اليد .. واعتبار تاريخ الاستبدال هو تاريخ وضع اليد .. او

تاريخ ربط الايجار .. وأن ما سبق سدادده .. من  
الايجار يعتبر اقساط الاستبدال.

وقـف: اولاً : لابد من توضيح فى هذه المسألة

- بالنسبة للمستأجرين القدامى ولهم علاقة ايجارية  
مع الهيئة فى نطاق القرى و العزب تم احتساب  
القيمة الايجارية لهم على النحو التالى  
- حتى نهاية عام ١٩٩٠ مائة وخمسة و عشرون  
قرشاً للمتر سنوياً .

- حتى نهاية عام ١٩٩١ ولنهائة عام ١٩٩٦ مائة  
وخمسون قرشاً سنوياً .

- ومن بداية عام ١٩٩٧ وحتى تمام الاستبدال إذا  
رغب المستأجر فى ذلك تحتسب القيمة الايجارية  
مائة وخمسة وسبعون قرشاً للمتر سنوياً . والهيئة لا  
تطالب بسداد القيمة المتأخره دفعة واحدة .. ولكن  
يسدد ٢٥% من المتأخرات ويتم تقسيط باقى  
المديونية على خمس سنوات بدون فوائد .

الرئيس: شكرا للسيد الاستاذ .. وقف .. ممثل الهيئة العامة للاوقاف .  
السيد ممثل الاصلاح .. تفضل .

إصلاح : السيد الرئيس .. ايها الابناء .. والاخوة و الحباء ..  
.. اننا جميعاً شركاء فى هدف واحد .. و غايتنا  
واحدة .. هى الحفاظ على الرقعة الزراعية ..  
فإن الهيئة تبذل اقصى جهدها لتحقيق هذا الهدف  
الرفيع . والسلام عليكم ورحمة الله وبركاته .

الرئيس: السيد / شاكر حامد .. عن الاهالى .. تفضل

شاكر: السيد ممثل الاصلاح الزراعى .. بداية إننا لا  
نختلف معكم فى الحفاظ على الرقعة الزراعية ...  
لكن المواطنين الذين يقومون بالبناء فى الرقعة

الزراعية .. نظراً لحاجتهم الى مأوى .. ونظراً  
لزيادة اعدادهم .. فأنا نطالب سيادتكم بتوجيه  
انذار للذين قاموا بالبناء لأول مره .. والسماح  
لهم بدخول المرافق.

إصلاح : بالنسبة للمخالفين .. فقد كانت تحرر لهم محاضر  
ويصدر بشأنها احكام قضائية بالبراءة .. وبناء  
عليه تقوم الاجهزة الحوكمية بادخال مرافق ..  
وقد اعترض الجهاز المركزى للمحاسبات على  
ذلك على ادخال اى مرافق دون الحصول على  
ترخيص بالمبنى وفقاً لاحكام القانون ١١٦ لسنة  
٨٣ و القرار الوزارى رقم ٢١١ لسنة ٩٠  
الصادر تنفيذ له يفوت على الدولة قيمة الرسوم  
المقررة على كل طلب بالترخيص . وكما ان  
المخالف يصبح فى وضع احسن من الذى التزم  
بتطبيق القانون وشكراً .

الرئيس: شكراً للسيد / ممثل الاصلاح الزراعي ..  
الاستاذ ممثل كردون المدينة .. تفضل .

كردون: أعزائي .. عزيزاتي .. أهالي مدينة التل الكبير  
.. اننى كما تعلمون .. فى حالة ضيق .. ولا  
استطيع وانا داخل هذا الحيز الضيق أن اصرح  
بشئ .. حيث اننى متجمد منذ زمن بعيد و  
اصبحت بلا أمل فى التوسع .. ولا يسعنى فى  
مثل هذه الظروف الا أن أحبيكم بتحية مباركة و  
السلام عليكم ورحمة الله وبركاته .

الرئيس: السيد / محروس ابو دومه .. ممثلاً عن الاهالى  
.. تفضل .

محروس : السيد الرئيس .. السيد ممثل كدون المدينة .. منذ  
عام ١٩٩٠ صدر قرار الدكتور نائب رئيس  
الوزراء ووزير الزراعة باستهلاك المساحات  
الفضاء المتخلله لكردون المدينة على اربعة

ماحل كل مرحلة خمس سنوات ولم ينفذ شئ  
حتى الآن .

كردون: نعم صدر القرار

الرئيس: السيد / فكرى ثابت.. فى نفس الموضوع ..  
تفضل .

فكرى : لقد قامت الوحدة المحلية بالاشتراك مع الادارة  
الزراعية .. وهئية الاوقاف المصرية بعمل  
حصر للمساحات المطلوب استهلاكها وكان  
التقدير للمرحلة الاولى ١٣٤ فدان وتم اعتمادها  
من لجنة المركز والاستصلاح الزراعى وتم  
رفعها الى مديرية الزراعة بالاسماعيلية لاعتمادها  
من السيد وزير الزراعة وماذا تم بشأنها.

كردون: نعم .. كانت هذه هى المرحلة الاولى .

الرئيس: السیده / سهام البدرى .. فى نفس الموضوع ..  
تفضلى



سهام : لكن الذى حدث يا سيادة الرئيس أن لجنة  
حضرت من ادارة حماية الاراضى ومديرية  
الزراعة وقامت بالمعاينة وخفضت المساحة  
المطلوبة من ١٣٤ فدان الى ٢١ فدان و ٨  
قراريط و ١٠ أسهم .. واشترطت. ان نفس هذه  
المساحة تخضع لنفس اجراءات الاراضى  
الزراعية حيث يقوم المواطن الراغب فى البناء  
وهو المنتفع الاصلى بالحصول على ترخيص  
من الجهة الادارية كما ان هيئة الاوقاف تشترط  
ان تقام على الارض مبانى خشبية خفيفة  
وترفض الموافقة على اقامة مبانى خرسانية .  
فلماذا وكيف ؟

كردون: اعزائى ابناء مدينة التل الكبير .. لا يستطيع ان  
اعبر لكم عما يجيش بصدري تجاهكم واسأل الله  
أن يتحقق املككم ولو حتى بالواحد والعشرون

فداننا وقلبي معكم .. والله معكم .. والسلام عليكم  
ورحمة الله وبركاته.

الرئيس: السادة أهالى التل الكبير .. فإنه من منطق  
الديموقراطية .. وحرية ابداء الراى و الراى  
الآخر .. ومن منطلق حرص الحكومة على  
التواصل بينها ممثلة فى الهيئات و القطاعات  
المختلفة .. وبين الشعب بكل فئاته وطوائفه ..  
فان الحكومة دائما و ابدا حريصة على توفير  
الأمن و الأمان وتوفير الماكل و المسكن لكل  
مواطن .. ومن هذا المنطلق كانت المواجهة و  
المكاشفة .. لتقريب وجهات النظر بين الشعب و  
الحكومة .. وباسمكم جميعاً نتوجه بالشكر للسادة  
ممثلى الحكومة على سعة صدرهم وتوضيح  
الأمور .. وترفع الجلسة على أن تعود للانعقاد  
فى حالة وجود مواجهه أو مكاشفه أخرى ..

وشكراً.

المخرج : (للجمهور) حضرات السادة و السيدات ..  
اسمحوا لى أن أكمل لكم باقى الحكاية .. بعد  
المواجهه .. راحوا ممثلى الاهالى يحكوا للناس  
اللى حصل جوه المواجهه .. وقد ايه فى حرية  
رأى .. وفى ديموقراطية بين الشعب و الحكومه  
فى مناقشة القضايا .. فقامت مجموعه من  
الشباب فى تنظيم مظاهره سلميه ينادوا فيها بحل  
مشاكلهم .. ولان معظم أراضى التل الكبير وقف  
.. ملك الخديوى اسماعيل .. فظل الشباب يهتف  
ضد الخديوى اسماعيل ووصلت المظاهره لغاية  
الطابية .. ووقفت .. والطابية دى كان بناها  
محمد على عشان يستغلها برج مراقبه أثناء  
الحروب .. فاستغلها الزعيم احمد عرابى أثناء  
حربه مع الانجليز وكانت غرفة عمليات للجيش

.. عشان كده أول ما المظاهره وصلت عندها  
وهما بيهتفوا ضد الخديوى اسماعيل .. فضلوا  
يهتفوا بحياة الزعيم أحمد عرابى (يسمع هتاف  
المظاهره فيهمس للجمهور) انا حاسيكم دلوقتى  
وأمشى فى المظاهره .. والا ابقى ضد مصلحة  
البلد ..

(يدخل ضمن تشكيل المتظاهرين وقد حمل كل  
منهم لافتة كُتب عليها أحد مشاكل الشباب  
واخرى كتب عليها يسقط الخديوى اسماعيل  
تعلوا اصواتهم).

صوت واحد : يسقط الخديوى اسماعيل

الجميع : يسقط الخديوى اسماعيل

صوت ٢ : عاش عرابى زعيم الفلاحين

الجميع : عاش عرابى زعيم الفلاحين

صوت ٣ : يا خديوى مش عاوزينك .. طينا سيبه ده مش

طينك

الجميع: (يرددون خلفه)

صوت ٤ : يا عرابى يا زعيمنا .. احنا منك وانت منا

الجميع: (يرددون خلفه)

(يحدث ضوضاء .. ويتجهون بأنظارهم تجاه

الطابيه .. فاذا بعرابى يطل من شباك الطابيه ..

فى شموخ .. مرتدياً ثيابه العسكرية يتأملهم وهم

فى ذهول تام )

عرابى: (يتأمل الطابيه بعد نزوله) ياه .. حاجات كتير

اتغيرت .. حتى الطابيه ملامحها اتغيرت مع

تغير الزمن .. الا هو الزمن اللى فات قد ايه؟

الجميع: احنا فى القرن الواحد و العشرين

عرابى: وبتنادونى ليه

الجميع: عشان نواجه الخديوى اسماعيل.

عرابى: ما لكم انتم فى زمنكم بالخديوى اسماعيل ؟

الجميع: التل لسه وقف ملك لسيادة الخديوى.

عرابى: وانتوا فين؟

الجميع: احنا مين؟

عرابى: اصحاب البلد .. اصحاب القضية.

الجميع: ما هى دى المشكله

عرابى: ايه هى المشكله؟

الجميع: البلد بلدنا .. وملناش حاجه فيها .

عرابى: واجهوا .. ما دمت اصحاب حق واجهوا ..

واضح ان عددكم كثر يعنى بقيتوا قوه اكبر من

زمان .. وصاحب الحق صوته اقوى .. زمان لما .

فكرنا نواجهه كان عددنا اقل منكم بكثير .. لكن

الاحساس بالظلم صعب .. وكانت أول مواجهه

لنا ضد وزير الحريه الظالم .. كنا احنا اصحاب

البلد .. وكان يفضل علينا الاتراك و الشراكسه

.. وكان معايا وقتها مجموعه من ابناء البلد

المخلصين عبد العال حلمى .. ومحمد عبيد و  
احمد عبد الغفار و على فهم وغيرهم كثير ..  
كنا بالنسبه لهم فلاحين .. لكننا أصحاب حق ..  
ماترددناش لحظه واحده فى المطالبه بحقوقنا  
وكنا بنزيد يوم بعد يوم .. ولحد ما دخل  
الاسطول الانجليزى .. ونوت انجدلترا تحتل  
مصر ساعتها الموت كان أهون علينا من انها  
تحقق ده .. وتوليت قيادة الجيش المصرى  
فى مواجهة الجيش الانجليزى .. اللى دخل البلد  
بمعرفة الخديوى توفيق .. وعلى الرغم من ده  
كله .. واجهناهم فى الرمل فى اسكندريه  
وهزمناهم رغم انهم وقتها كان عددهم ستين ألف  
.. إنما جيشنا احنا تسعة عشر الف .. وكنا أقوى  
منهم لأننا كنا اصحاب الحق .. ولما وصل  
جيشهم للاسماعيلية و استولى على المسخوطه و

المحسمة .. كنا احنا وصلنا هنا .. فى التل  
الكبير .. وهاجمناهم فى القصاصين وكنا  
هنواصل انتصارنا .. لولا الخيانه .. اللى قصمت  
ظهر الجيش .

الجميع: واحنا دلوقتى محتاجينك .

عرابى: حبوا بلدكم حتكبحكم.

الجميع: كنا عاوزين نفيدها .. بس هى مش عاوزة  
تستفيد . بس يتفتح قدامنا الباب .. كلنا اخلاص  
هندخل .

عرابى: كلكم مستتين يفتح قدامكم الباب .. كلكم

مستسلمين .. مسترخين خلف البيبان .. انفضوا

عنكم كسلكم .. ارفعوا عنكم .. بصو مره واحده

للجأى .. النهارده أكيد حيخلص .. اللى جأى

محتاج تعبكووا محتاج عرقكووا .. زى ما انتوا

محتاجينه .. او عو ايمانكووا ببلدكو مره يضعف ..



هى ايه من غيركم انتو .. انتو نبضها واملها  
حبوها حتحبكوا .. حاربوا لحد ماتوصلوها ..  
واجهوا كل اللى يصادفكوا .. اى خاين بينكوا  
يرحل .

الجميع: عشان كده محتاجينلك .

عرابى: يااه .. من اقدر من ميت سنه كنتوا محتاجينى  
.. بس وقتها يشهد على المكان ده .. قد ايه كنت  
محتاجكو اقدر ما انتوا محتاجينى كنت محتاج  
ايمانكو بتحرير بلدكوا .. لانى بيكو كنت مستعد  
اواجه العالم .. لكن للأسف .. اتبذرت بذور  
الخيانه .. انكسر قوام الجيش و انكسرت معاه  
احلام بلد .. واملها فى الخلاص .. عشان كده  
صعب جدا انى اغامر تانى بيكو .. صعب جدا  
انكسر مرتين هنا وفى نفس المكان.

الجميع: احنا مش سبب الانكسار.

عـرابى: (فى غضب) بس انتوا السبب فى اللى انتوا فيه من انهيار .

الجميع: محتاجينك لعل ترشدنا لقرار .

عـرابى: القرار قراركو انتو .. والمعركة معركتكم .. وانتم لازم تواجهوا وما عدش ينفع تراجع .. انتو خلاص وقفتوا على حدود العدو .. بس لازم تحرثوا الارض .. تنزعوا بذور الخيانه .. ساعتها تقدرؤا تحرروا انفسكم بانفسكم .


(يتركهم ويدخل الطابيه)

(يتحرك الجميع فى شكل المظاهرة وهم يهتفون بحياة الزعيم أحمد عرابى .. الا مجموعة الممثلين )

المخرج : (يتجه الى الجمهو) طبعاً احنا المفروض كنا نمشى مع المظاهرة ونشوف هتوصل لفين .. لكن .. اكيد مشاكل الشباب دى هتلاقى حلول

لدى الساده المسئولين (ينضم اليه باقى اعضاء  
الفرقة يقاطعونه)

الجميع: طب وباقى المشاكل محتاجه لحلول  
المخرج: اكيد .. بس الحلول مش منى أو منكم يس .  
الجميع: ومن الساده المسئولين طبعاً  
المخرج: (مشيرا للجمهور) لا طبعاً .. ومن الناس دى  
كلها . ما هم برضوا زينا اصحاب قضيه (مشيرا  
لفرقة الموسيقى) انزل مزيكا.



" المسرح يبدو خاليا - في حالة إظلام تام ... "بؤرة ضوء تبدو في أقصى يمين المسرح .. تهتز قليلا .. تتسلل في بطء إلى يسار المسرح .. لم تزل في حالة اهتزاز... تتقدم إلى يسار مقدمة المسرح .. يتشكل في نفس المكان مقعد خال .. تثبت البؤرة فوق المقعد قليلا .. تدور حوله ... تبدو في حالة بحث ... تقف أمام المقعد .. "ما تعودتك خاليا " تعود للبحث ثانية .. وتعود لاهتزازاتها .. تروح وتجيئ في منتصف المسرح ... تثبت قليلا ... تذهب أقصى يسار المسرح ... حيث تشكل في المكان مقعد ومنضدة فوقها بعض الكتب وأوراق وقلم ... تثبت قليلا .. تتأمل المقعد ... يهتز المقعد قليلاً تتناثر من فوق المنضدة بعض الأوراق... تثبت في منتصف المقعد بؤرة حمراء... يتزايد تناثر الأوراق من فوق المنضدة .. البؤرة تحاول جمع الأوراق ... يسقط القلم فوق الأرض ... البؤرة تصرخ .. تتناثر باقي الأوراق ... يختفي المقعد من المكان ... البؤرة تصرخ .. تحاول جمع الأوراق ... تختفي المنضدة ... بؤرة الضوء تثبت في منتصف المسرح ... تتضاءل... تختفي شيئاً فشيئاً ... يعود المسرح لحالة الإظلام التام ... !!!

فصل اول  
در بیان کلیات  
و مقدمات

يضاء المسرح على منظر شارع فى الخلفية ... لافتات لبعض المحلات  
والمارة ذهاباً وإياباً بينما وسط الحارة شاب وفتاة فى حالة مرح تتشابه  
الأيدى حيناً ويتراقصان حيناً ... بينما يختفى منظر الخلفية تدريجياً ...  
معبراً عن حالة سيرهما ... كما يتابع مع هذا المشهد تغير بعض الأحداث  
التاريخية ... معبراً عن مرور سنوات حتى يختفى منظر الخلفية ويختفى  
المارة من الشارع ... لنجد الشاب والفتاة فى حديقة ... وهما مازالا فى  
حالة المرح ... الشاب : أحبك جداً

الفتاة : أنا لا أتصور فى هذا العالم أحداً أحب مثلاً أحبك .

الشاب : أنت الأمل الذى أحيا لأجله .

الفتاة : سأبقى لك عمرى وستبقى لى وحدى .

" يبدآن فى الغناء وهما يتراقصان - ثم يفترقان على نفس حالتهما وهما  
يودعان بعضيهما قذفاً بالقبلات ويشيران باللقاء ثانية ... إظلام!؟

"يضاء المسرح ثانية على منظر خلفية الشارع بينما تختلف أسماء  
لافتات المحلات عن المشهد الأول بما يوحى باختلاف الزمن ...  
بينما يتوسط المارة بالشارع نفس الشاب والفتاة تتأبط الفتاة ذراع  
الشاب ... لكن الشاب يستوقفها ويتأملها "

الفتاة :.. ماذا بك ؟! .. ولماذا تتأملنى كأنك ترانى لأول مرة ؟!

الشاب :.. لا أعرف .. غير أنى منذ تركتك آخر مرة ينتابنى كابوس

غريب

الفتاة :.. كابوس ..

الشاب :.. نعم .. نكون في لهونا ومرحنا .. تجربين منى..وأجرى خلفك  
فإذا بك تطيرين في السماء ..أحاول اللحاق بك ..دون جدوى.. أقوم  
فرعاً .. أتمنى وقتها أن آتي إليك مسرعاً لأحتضنك وأضمك إلي  
وأبقى عليك بين أحضانتي .. حتي لا تطيري مرة أخرى .  
الفتاة :.. " تمسك بيده وهي تراقصه " لاعليك .. فأنا أحبك وسأبقى نفسي  
بين أحضانك طيلة عمري ..

"بينما منظر الخلفية في حالة اختفائه تدريجيا .. والفتاة لم تزل تراقص  
الشاب .. تترك يديه وتتمادى في الرقص .. حتي تختفي وسط المارة  
بالشارع... يبحث عنها الشاب .. لا يجدها .. يستمر في حالة البحث  
حتى تختفي الخلفية تماما .. ويختفي المارة من الشارع إلا من الفتاة  
وهي تتأبط ذراع شاب آخر ... الشاب وقف مذهولاً حين رآهما وهما  
يسيران أمامه "

الشاب الآخر :..ماذا بك ؟! .... هل أنت معي ؟  
الفتاة :.. نعم معك .. لكن ..

الشاب الآخر :.. لكن .. لكن ماذا ؟ أنت شاردة منى!!

الفتاة :.. بل أنا معك بكل حواسي وكيقتي .

" الشاب مازال في ذهوله .. لم يتحرك .. بينما تختفي الفتاة والشاب  
الآخر " إظلام"

" بضاء المسرح علي نفس المنظر .. والشاب مازال واقفاً في ذهوله  
تأتيه الفتاة من خلفه يسبقها صوتها "



الفتاة :.. مازلت هنا ؟؟

الشاب :.. مازلت أبحث عن إجابة لمئات الأسئلة .. أبحث لك عن مسير .. وأسأل نفسي عن ذنب اقترفته وكلما طرحنا سؤالاً ازدادت همالي لعدم إجابته "يستدير ليجدها أمامه" ها أنت قد جئت لتجيبني علي كل الأسئلة الفتاة :.. لا تشغل بالك كثيراً .. المسألة لا تستدعي كل ذلك.

الشاب :.. المسألة لا تستدعي ؟ سنوات من الحب والعشق لا تستدعي ؟ سنوات لم يجرؤ قلبي علي أن يخفق لغيرك لا تستدعي !! إذن ذلك الآخر الذي يستدعي ... هذه الذراع التي تأبطتها بدلاً من ذراعي هي التي تستدعي ... أجبني .. ما معني هذا؟

الفتاة :.. ها أنت دائماً هكذا .. لا تفكر سوي في نفسك الشاب :.. هكذا أنا الآن .. وطيلة هذه السنوات التي وهبتك إياها .. لا

أفكر سوي في نفسي .. وأنت تستمدين مني القوة والعطاء .. والعطف والحنان والحب الذي لم أحبه لأحد غيرك .. الآن أنا لا أفكر سوي في نفسي والآخر يفكر فيك . الفتاة :.. لا تتحدث عن الآخر .. فهو قد فعل ما لم تستطع أنت أن تفعله الشاب :.. عرضت عليك الزواج .. لكنك وضعت العراقيل أمامي.

الفتاة :.. لا تحاول أن تصنع من نفسك ضحية الشاب :.. أنا لا أستجدي عطفاً منك ؟ أومن أحد .. لكنني أود

تبرير ما حدث

الفتاة :.. أنت كما عهدتك ما كنت صادقاً مع أحد ولا حتي مع نفسك .

الشاب :.. ولا حتي معك ؟

الفتاة :.. لا تضعني مقياساً لمساوئك وشوائبك .

الشاب :..لكي أستشهد بك .. فأنت أقرب الناس لي وأنت أعلم بي من كل الناس .

الفتاة :.. قلت لك لا تضعني مقياساً .

الشاب :.. ومتي بدت لك كل هذه المساوئ والشوائب بي ؟

الفتاة :.. أنت هكذا منذ أن عرفتك .

الشاب :.. وماذا أجبرك علي حبي ... والبقاء معي طيلة هذه السنين

الفتاة :.. كنت أحاول إصلاحك .. دون جدوي حتي مللتك ومللت كل ما فيك

الشاب :.. يالك من جبل قد تحملت الكثير والكثير من أجلي .. حقاً إنه

أمر في غاية الصعوبة أن تتحمل إنسانة بكل هذا الصفاء والنقاء

والشفافية كل هذه السنين مع شاب ملئ بالشوائب والمساوئ والخديعة

والنفاق لكن يبقى سؤال .. كيف يحيا النقيضان معاً و يلتقيان معاً طيلة

هذه السنين ؟!

الفتاة :.. كنت أتناول إخراجك من الغيبوبة التي أجذك دائماً

مستمعاً بها لكنني مللت وينست محاولاتي ..

الشاب : . والمشاعر التي كانت بيننا والتي بنينا منها جداراً من الحب  
قادراً علي أن يحتوي العالم أجمع في ظلاله..  
الفتاة : . كل هذا خطيئة أعلنت توبتي عنها  
الشاب : . لا... لا تدنسي المشاعر الجميلة .. فالحب لا يعرف الخطيئة  
لكنني الآن قد عرفتك ... والآن فقط قد أفقت من غيوبتي !!!!!  
(إظلام)

العلم في الدنيا قليل

( المسرح يخلو من الديكور ، بينما يتجسّد المنظر تتطوعا للحركة التعبيرية فيما يتطلبه الأداء الحركي، ويختلف تجسيد المكان مع اختلاف مضمون الحركة التعبيرية )

يبدو المكان في الخلاء ويبدو في منتصف الخلاء " شخص " متمدّد، غرقاً في نومه .. وتسمع من حوله أصوات كالرعد والهواء ... ثم يتحرك ببطء يمينا ويساراً ، ثم يرفع يده فيخرج من أعماقه صوتاً "لا" ، ثم تبدأ حركته تشكل صراعا كأنه يحاول . . الخروج من "كابوس " يلاحقه في نومه ؛ يعتدل للجلوس حيناً فحيناً ، ينهض للوقوف يتلفت حوله في ذهول ، الجو من حوله ظلام ، يتحسس الخطي ، كأنه يبحث عن شيء . . . كالناظر لشيء بعيد ، يفرح كمن وجد شيئاً ، يتحسس بصيصاً من الضوء ، يسمع صوتاً يناديه (تعال) ، بصيص الضوء يرافقه في رحلة البحث ، كأنما يتأمل وجوهاً تقابله . . . يفتش فيها . . . تكسو وجهه موجة من الحزن ... كالفقد شيئاً ثمينا ،

يتوقف فجأة ، تطو وجهه فرحة ، تخرج من أعماقه ( آه ) يزداد بصيص الضوء شيئاً فشيئاً . . . يخاطبه الصوت عن قرب

(ها أنت قد جئت ) ، تضاء الدنيا من حوله ... يعود وكأنما ؛ ترافقه عروسه في ذراعه في ليلة العرس . تغمره النشوة والفرح يصلان إلى منطقة الخلاء حيث بدأ رحلة البحث منها . يتشكل في هذا الخلاء مكان يوجد به "كرسي " يشابه كرسي الملك " يبدو وكأنه يجلس عروسه على " الكرسي " ، يداعبها في جو ليلي ساكن

. ويبدأ الليل في الانسحاب . .

يتهاذى النور إليهما ... بمجئ صباح يوم جديد وهو يستيقظ من نومه في نشوة ، تبدو أمامه غارقة في النوم فوق المقعد ، .. يوقظها " يقبلها ، يذهب بعيداً ، ليعود إليها .. حاملاً فأساً على كتفه ، يشد على يدها ، كأنما تودعه ... يرحل وهو يهمس لها .. ( سأعود سريعاً ) ، تخاطبه همساً (سأموت إلى أن تعود ) ، يهمس لها ( لن أغيب .. لن أغيب ) يختفي فيبدأ النهار في الانسحاب تدريجياً ، ويتسلل الليل ... كما يتسلل هو إليها .. ليفاجئها بظهوره ... حينما يقترب منها ، يبدو كأنه صعق فيعود إلى الوراء فزعاً .. كأنه رأى شئ غريباً... يقترب منها في غيظ ، فجأة يمسك بشخص بالقرب منها ، يدفعه هذا الشخص للخلف يحاول الهرب .. يمسك به مرة أخرى ... يشتبكان ، يسرع هو إلى

خلف المقعد ، يعود سريعاً حاملاً في يده خنجرًا ، يقلت منه ، يعاود طعنه... يهرب منه / تأتي الطعنة في صدرها .. تهوي على الأرض بينما ينهار هو ، يتأملها ويتردد في أذنه

صوتها ( سأموت إلى أن تعود ) يزداد في الاتيهار، ينهمر في البكاء يعاود الصوت الرنين في أذنه ... يتداخل صوت البكاء بصوت قهقهات هستيرية مع مخاطبته لها ( لم أغب كثيراً ) .... تزداد القهقهات الهستيرية بصوت البكاء ( عدت سريعاً ) يخاطبه صوتها

( عدت مع الليل ) يردد في حزن ( بل عاد معي الليل ) يردد لها في حزن  
مراراً، ينهض في ثقل ... يخطو نحوها في حزن ، يفتيح ذراعها  
يحتضنها ، تكسو ملامحه الأحران والحسرة ، يطعنها ثانية وهي بين  
أحضانها ، يحملها جانباً ، يحمل المقعد إلى الوراء ، يصنع منة تايوتا ،  
يحفر بفأسه القبر ، يعود ليحمل جثمانها ، يضعه في التابوت ، ويغسله  
محملاً بالأسى والحزن ... يتمدد في ثبات ...

( إظلام تام )

## المحتويات

الصفحة	العمل	مسلسل
٢	الطابية	١
٦٠	صرخة	٢
٦٢	غيبوبه	٣
٦٨	الحلم فى زمن قبيح	٤

رقم الابداع ٢٠٠١/١٧٢٩٣